

ISUMAGINNINNERMI SANAARTUKKANIK INERIARTORTITSINISSAQ
PILLUGU KAAJALLAASITAQ.

Isumaginninnermut tunngasut siulersorneqarnerat aaqjissuunneqarnerallu pillugit Inatsisartut peqqussutaat nr. 8, 10. oktober 1979-imeersoq kingusinnerusukkut allanguuteqartinneqarsimasoq tunngavigalugu makku aalajangersarneqarput:

Kapitali I.

Pilersaarusiorderup annertussusia
piffissarititaasullu.

§ 1. Ukiut tamaasa 1. december nallertinnagu Isumaginninnermut Suliffeqarnermullu Naalakkersuisoqarfiup kommunit ineriartortitsinissaq pillugu pilersaarusiaat taakkunungalugu ilanngullugit isumaginninnermi paaqqinniffiit pilersinneqarnissannut tapiissutinik qinnuteqaatit nassiuteqqusassavai.

Imm. 2. Nassiusseqqusissummi ineriartortitsinissamut pilersaarutitik nassiussivissaq kingusinnerpaaq nalunaarsimassaaq, siusinnerpaamik ukiup tulliani 1. martsiusinnaasoq.

Imm. 3. Nassiusseqqusissummi pilersaarutit piffissamut sorlermut tunngatinneqassanersut aamma nalunaarsimassaaq.

SD j.nr. 12-06-00

§ 2. Isumaginninnermi ineriartortitsinissamut pilersaarutit kommunini meeqqanik ulluunerani paaqqinniffinnut, kommunit meeqqanut angerlarsimaffiini ullukkut paarsisitsisarfiinut, fritidshjemminut utoqqaat illuinut assigisaannullu kiisalu innuttaasut illuutaannut tunngassuteqassapput.

Imm. 2. Isumaginninnermi sanaartukkanik ineriartortitsinissamut pilersaarutini Isumaginninnermut Suliffeqarnermullu Naalackersuisoqarfiup nuna tamakkerlugu ilaatigut meeqqanut inuusuttunullu, kiisalu innarluutilinnut paaqqinniffiutaasa immikkut ittut ineriartortinneqarnissaat aamma ilaatinneqarput.

Imm. 3. Kommunini ataasiakkaani kommunalbestyrelsip paaqqinniffiit pillugit ineriartortitsinissaq pillugu anguniagaviusussaq paaqqinniffinni kiffartuussinerup qanoq annertutigissusia aallaavigalugu aalajangersassavaa, tamatumunngalu peqatigitillugu piffissaq anguniakkap piviusunngortinniarnearfissaa aalajangersarneqassalluni. Anguniagaq taanna isumaginninnermi paaqqinniffinnik pilersitsinissamut atatillugu tapiissutinik qinnuteqarnermi immersugassami takuneqarsinnaasussaq kommunimi tassani paaqqinniffiit ullukkullu paarsisitsisarneq pillugu paasissutissanut tapertaliulluni kommunip isumaginninnermi paaqqinniffitsigut ineriartortitsinissamik pilersaarussiaanut tunngaviusaaq.

Imm. 4. Isumaginninnermut Suliffeqarnermullu Pisortaqarfiup immersugassanngorlugit nassiussugaani paasissutissat piumaneqartut tunniunnissaannut kommunit pisussaatitaapput. Paaqqinniffiit ullukkullu paarsisitsisarneq pillugit paasissutissat kommuninit tamanit immersorneqassapput, isumaginninnermi sanaartukkanik ineriartortitsinissamut tapiissutinik qinnuteqarnernut attuumassuteqanngikkaluarpataluunniit.

Kapitali II.

Isumaginninnermi paaqqinniffiit
sanaartorneqarnerinut tapiissutit.

§ 3. Isumaginninnermi paaqqinniffiit sanaartorneqarnissaannut landskarsi tapiissuteqarsinnaavoq. Tapiissutit amerlassusissaat aningaasanut inatsisip Inatsisartunit ukiumoortumik akuerineqarneranut atatillugu aalajangersarneqassapput. Ingerlatsinermut tapiissutit kommuninut ataatsimoortumik tapiissutinut nalinginnaasunut ilaatinneqarput, taakkunungalugu ilanngullugit aaqqiissuteqarfigineqartassallutik.

Imm. 2. Paaqqinniffiit sanaartorneqarnerinut tapiissuteqarfigineqarsinnaasut tassaapput meeqqanik ulluunerani paaqqinniffiit, fritidshjemmit, utoqqaat illui assigisaalu aamma innuttaasut illuutaat. Isumaginninnermut Suliffeqarnermullu Naalakkersuisup sanaartukkat sanaartorneqarnerinut ingerlanneqarnerinullu tunngavissatut piumasagaataasa eqqortinneqarsimanerat tapiiffigineqarnissamut aalajangiisuusaaq.

Imm. 3. Imm. 2-mi paaqqinniffiit taaneqartut sananeqarnerisa saniatigut paaqqinniffiup allanngortiterneqarneranut taassuma suliaasa allisinneranik kinguneqartunut kiisalu kiassarnermut sipaaruteqarfiusinnaasunik aaqqiissuteqarnermut paaqqinniffiup ingerlanneqarnerani aningaasartuutininut malunnaatilimmik ikilisaataasinnasunut aamma tapiissuteqartoqarsinnaavoq. Taamaattorli aningaasartuutininut aserfalletsaaliinermut tunngassuteqarnerusunut tapiissuteqartoqarsinnaanngilaq.

Imm. 4. Paaqqinniffinnut atasunik inissialiornerup saniatigut sulisut inissaannut paaqqinniffinnut tunngatitanut sanaartornermut tapiissuteqartoqarsinnaanngilaq, aatsaalli inissiaq sanaartukkamut ataannartuuppat aammalu ulloq unnuarlu nakkutiliisariaqarnermik tunngaveqartumik allatut aaqqiisoqarsinnaatinnagu tapiissuteqartoqarsinnaavoq.

Imm. 5. Tapiissuteqarnissami sananermut nammineq akiliutissanut ingerlatsinermullu aningaasaliissutissanik immikkoortitsereersimaneq kommunip uppernarsarsinnaassagaa piumasarineqarpoq.

§ 4. Isumaginninnermi paaqqinniffiit sananeqarnerinut tapiissutininik qinnuteqaatit isumaginninnermi sanaartukkanik ineriartortitsinissamut pilersaarutit ukiumoortumik nassiuteqquneqartartut nassiunneqarnerinut atatillugu nassiunneqassapput, isumaginninnermilu paaqqinniffiliornissanut tapiissutininik qinnuteqarnermi immersugassamut atugassanngortinneqartumut immersuunneqarsimassallutik kiisalu illut sananeqartussatut qinnutigineqartut tamarmik immikkut missingersuusiorderat C ilanngunneqartassalluni.

§ 5. Utoqqalinersialinnut inissianik sanaartornissat isumaginninnikkut sanaartugassanut tapiissutininik agguaanermi ilaatinneqarsinnaanerinut makku piumasaqaataapput:

- a. sanaassat inunnut namminneq najugarisaminni immikkut paarsisunit ikiorneqaratik nakkutigineqaratilluunniit najugaqarsinnaanngitsunut naatsorsuunneqassasut.
- b. taamaalillutik inissiat taakku utoqqaat illuinut assigisaannulluunniit atatillugit ingerlanneqartussanngorlugit pilersaarusiorderneqarsimassasut

Imm. 2. Sanaartugassatut pilersaarusiap paaqqinniffittut boligstøttilluunniit inissiaataatut suliarineqarnissaa nalornisoorutigineqarpat Namminersornerullutik Oqartussat Ineqarnermut Immikkoortortaqaarfiata aamma Isumaginninnermut Suliffeqarnermullu Pisortaqaarfiup akornanni isumaqatigiinniutigineqassaaq qinnuteqaat kia suliarisaneraa, oqartussaasorlu sorleq tapiissuteqarnissamik aalajangiissanersoq.

Kapitali III.

Oqartussaasut tapiissuteqartut nakkutilliinerat.

§ 6. Sanaartugassat landskarsimit tapiiffigineqartut nalinginnaasumik piumasaqaatitut aalajangersakkat naapertorlugit sananeqarlutillu aaqqissuunneqarnerat Isumaginninnermut Suliffeqarnermullu Naalackersuisoqarfiup nakkutigissavai.

Imm. 2. Tamaattumik kommunip sanatitsisutut ukiup sanalerfissap siulliup siuliani kingusinnerpaamik 1. oktober B-tut missingersuusiaq qanorlu aqutsinissamik siunnersuut kommunalbestyrelsimit akuerisat pequtilersuinissamik siunnersuummik aamma sanaassatut pilersaarutaasumi sananermut atortussat suunerinik paasissutissanik ilaqartinneqartut Isumaginninnermut Suliffeqarnermullu Pisortaqarfimmit akuerisassanngorlugit nassiutissavai.

Imm. 3. Kommuni pisussaavoq ukiumi sanaffimmi siullermi kingusinnerpaamik 1. februar inaarutaasumik pilersaarusiaq Isumaginninnermut Suliffeqarnermullu Pisortaqarfimmit akuerisassanngorlugu nassiutissallugu.

Imm. 4. Kommuni pisussaavoq ukiumi sanaffimmi siullermi kingusinnerpaamik 1. marts suliariumannittussarsiuussinermi angusaq kiisalu A-tut missingersuutaagallartut Isumaginninnermut Suliffeqarnermullu Pisortaqarfimmut ilisimatitsissutitut nassiutissallugit.

Imm. 5. Kommuni pisussaavoq ukiumi sanaffimmi siullermi kingusinnerpaamik 1. april A-tut inaarutaasumik missingersuusiat Isumaginninnermut Suliffeqarnermullu Pisortaqarfimmit akuerisassanngorlugit nassiutissallugit. Tamatumunnga atatillugu

sanaartornerup ulloq aallartiffissarpiaa, sanaartornerup ingerlanissaa tassaniluunniit allannguutit kiisalu sanaartukkap inerluni ulloq suna atorneqalerfissaa kommunip nalunaarutigissavai. Sanaartugaq immikkoortukkuutaarluni atorneqaleriartuaassapat immikkoortut tamarmik immikkut ulloq atorneqalerfissaat immikkut nalunaarutigineqartassaaq.

§ 7. Illut landskarsimit tapiiffigineqarlutik sananeqarsimasut paaqqinniffittulluunniit aaqqissuunneqarsimasut illersorneqarsinnaasumik aserfallatsaalineqarnissaat kommunip pisussaaffigaa.

§ 8. Paaqqinniffiit sanaartorneqarnerminnut atatillugu tapissuteqarfigineqarsimasut allatut atorneqalernissaat pilersaarusioneqarpat tamatuma Isumaginninnermut Suliffeqarnermullu Pisorta qarfirmut nalunaarutiginnissaa kommunip pisussaaffigaa.

§ 9. Kaajallaasitaq manna 1. december 1993 aallarnerfigalugu atortuulersinneqarpoq, tamatumunngalu peqatigitillugu kaajallaasitaq nr. 158 atorunnaarsinneqarluni.

Isumaginninnermut Suliffeqarnermullu Pisorta qarfik, 30. november 1993.

Nukákuluk Kreutzmann

/

Claus S. Jensen